

起自酒、又飯後飲謂之中酒、古經曰、不醉不醒、飲謂之中、由之觀之、中庸之道亦起自酒焉、又史記云、百藥長矣、酒哉酒。○中 漸煩子曰、汝如猩猩之醉能言、狒狒之叨笑人、吾雖不貴禽獸、隨汝言、若以禽獸論之、吾茶者有時成鳳凰團、有時作壁龍團、煎之以麒麟炭、皆是禽獸之長也、恁麼時節、水邊鳥向何處展翼、若論茶具、金銀珠玉、銅鐵土石、作茶具、則其價不知幾千萬、好事者秘則爲無上寶、若得一時者、表聲名天下、汝酒具何直半文錢、忘憂君曰、吁汝陋如何、風流蘊藉、不可論價、夫盃有金杯、有銀杯、有藥玉船、豈非重器哉、且又宜四時者酒也、春者宴桃李園、坐花醉月、夏者酌竹葉酒、掃暑迎涼、秋者林間燒葉、冬者雪裏避寒、高適亦曰、飲酒勝飲茶。○中 忘憂君曰、酒星麗天、酒泉湧地、天地中間有人、無不賞酒者、晉有七賢八達、唐有六逸八仙、或漢家七十二人、桐馬之賜金谷二十四友、櫻花之觀、劉玄石一千日、淳于髡七八斗、元次山者隱三吾漫稱漫郎、歐陽修者貯一壺、醉號醉翁、王績作酒經、劉伯倫作酒德頌、略曰、枕麴藉糟、無思無慮、其樂陶陶云云、大哉酒德、若論酒之靈地、有魯趙齊革矣、趙厚魯薄、齊到臍革止、鬲或有上若下、若二村、有烏程、烏祈、蒲城、桑落酒、蘭亭桃節宴、此是酒美而地靈也、王侯將相者、以酒成治國之策、士農工商者、以酒得慰勞之術、鰥寡孤獨者、以酒作掃愁箋、盡乾坤一時變作醉乾坤、則汝輩無處措手足、蓋楚屈原大夫者、以獨醒被放逐、宋蘇大夫者、以不飲爲不能、此二人者、因酒減名者也、酒獨醒而不飲、則放逐徒耶、又元結以不飲酒者爲惡客、則汝又惡客也。○中 傍有一閑人出云、今天下無虞國家有道、好箇時節、兩翁雖論可謂無事生事、以虛空爲口、以須彌爲舌、論而至阿僧祇劫、酒之德以不可盡、茶之德以不可極、吾能飲酒、又能喫茶、此二物孰勝孰負乎哉、兩翁請聽吾歌、曰、

松上雲閑花上霞 翁翁相對鬪豪奢 吾言天下兩尤物 酒亦酒哉茶亦茶

〔酒食論〕造酒正長持申樣

酒のいみじき事はみな、むかしも今も事ふりぬ、さけをこのみてのむ人は、むかしは封戸もましましき、後の世までもかはらけにならんとちかひし人もあり、竹を愛せし樂天も、酒をのめとぞ